

O Le Faataitaiga a Polika Iaga

Talanoaga 1

O LE LUITAU O LE TAUTALA I NOFOAGA FAITELE

Amata i le fai o fesili e pei o nei:

- O le a sou lagona e uiga i le tautala i nofoaga faitele? Aisea?

Faitau pe aotele ia tala nei:

O se tasi luitau aupito maoae a Polika Iaga o le tautala i nofoaga faitele. Sa ia fai mai, “Sa itiiti lava lo’u tomai i le gagana e pei ona lelei ai se tagata” (*i le Journal of Discourses*, 5:97). Sa ia toe manatuaina se taimi i le tasi le vaiaso talu ona uma lona papatisoga ina ua ia faamoemoeina ni failauga se toafa ua i ai se poto masani o e sa avea ma tagata o le Ekalesia e talai atu, ae latou te lei faia. Sa ia fai mai:



Sa nao a’u o se tamaitiiti, o le taimi lea o le tautala i nofoaga faitele ma se malamalama o le lalolagi sa o se atugaluga, peitai sa i o’u luga le Agaga o le Alii, ma sa ou lagonaina e peiseai o le a mu o’u ivi i totonu ia te a’u vagana ai ua ou tautala atu i tagata ma ta’u atu ia te i latou mea sa ou vaai i ai, faalogo ma aoaoina—o mea sa ou oo i ai ma olioli ai; ma o le lauga muamua lava sa ou laugaina e silia ma se itula. Sa matala lo’u gutu ma sa faatumuina e le Alii. (Brigham Young, i le *Journal of Discourses*, 13:211)

- O le a le mea na faigata i le mea na faia e Polika Iaga?

Valaaulia tagata aoga e faitau le Mataupu Faavae ma Feagaiga 100:5–6 (tagai foi Esoto 4:12; Faataoto 16:1). Ona fesili atu lea:

- Na faapefea ona fesoota’i aafiaga o Polika Iaga i nei fuaiupu?
- O le a se mea ua e aoaoina e uiga i le Alii e mafai ona fesoasoani ia te oe?

Faasoa atu ou lagona e uiga i le faalagolago i le Alii ma le naunau e faasoa atu mea ua e iloa.

Talanoaga 2

OSIGATAULAGA A POLIKA E AUAUNA ATU

Amata i le fai atu o se fesili e pei o nei:

- O a ni osigataulaga e manaomia e auauna atu ai i se misiona?

Faitau pe aotele le tala lenei:

O le tausaga lava na papatisoina ai Polika Iaga, na maliu ai lona toalua. I se osigataulaga tele, sa ia faatulagaina ai le tausiga o lana fanau e toalua ma auauna atu i ni misiona i Niu Ioka ma Kanata i luga, lea na ia papatisoina ai ni nai tagata.

Ina ua maea ona auauna atu i se misiona pe tusa ma se tausaga, sa faamatala e Polika lona taunuu atu i Katelani, Ohaio:



Afai e i ai se tagata na potopoto faatasi ma le Au Paia sa sili atu ona mativa nai lo au—ona sa leai ni ana mea. . . . Sa i ai la’u fanau e toalua e tausī. . . . Sa avea au o sē ua oti lana avā. . . . [Sa leai so’u] seevae i lo’u vae, sei vagana ai se pea seevae nono mai. Sa leai ni o’u lavalava o le taumalulu, sei vagana ai se ofutele sa sui i le fale lea sa ia te au i le tolu pe fa tausaga. . . . Sa ou malaga ma talai atu ma tuuina atu tupe uma o a’u meatotino. (*Aoaaga a Peresitene o le Ekalesia: Polika Iaga* [1997], 243)

Valaaulia se tagata e faitau le Luka 18:18–23, ma vaavaai pe na faapefea ona ese le tali a Polika Iaga i valaaulia e auauna atu mai le tagata sa fesoota'i ma le Faaola i lenei tala.

- O le a se mea ua e iloa e uiga i le Alii e mafai ona fesoasoani ia i tatou ia naunau ai e faia ni osigataulaga e pei ona faia e Polika Iaga?
- E faaopoopo atu i le auauna atu i misiona, o a nisi o auala atonu e finagalo le Alii tatou te ositaulaga ai e auauna atu ia te Ia?

Faasoa atu ou lagona e uiga i le naunau e ositaulaga e auauna atu i le Alii.

Talanoaga 3

MISIONA A POLIKA I EGELANI

Amata i le fai atu o se fesili e pei o nei:

- O a nisi o mafuaaga e manaomia ai e se faifeautalai le fesoasoani a le Alii?

Faitau pe aotele le tala lenei:

Ina ua uma ona toe faaipoipo ma auauna atu i isi misiona e lima, sa valaauina Polika, faatasi ma isi Aposetolo, e auauna atu i se misiona i Egelani.

Sa faamatala e Polika lana misiona:



Sa matou tulaueleele . . . i le avea ai ma tagata ese i se laueleele ese ma le leai o se tupe, ae e ala i le alofa mutimutivale o le Atua na matou maua ai le tele o uo, na faavaeina ai Ekalesia i le toetoe lava o taulaga ma aai uma aloaia i le malo o Peretania Tele, na papatisoina i le va o le fitu ma le valu afe, 5,000 Tusi a Mamona na lolomiina, . . . ma ua tuu e ia i loto o le tele o afe o fatu o le upumoni e faavavau . . . o nei mea uma ou te faailoa atu ai le aao o le Atua. (*Aoaoga a Peresitene o le Ekalesia: Polika Iaga* [1997], 6)

Valaaulia se tagata aoga e faitau upu a Amona i le Alema 26:12–13. Ona fesili atu lea:

- E faapefea ona faatusatusa le faamatalaga a Polika Iaga i le faamatalaga a Amona?
- Aisea e te manatu ai e taua le faalagolago i le Alii pe a taumafai e auauna atu ia te Ia?
- Na faapefea ona e taumafai e faalagolago i le Alii a o e auauna atu ia te Ia?

Faasoa atu ou manatu po o lagona e uiga i le faalagolago i le Alii a o e auauna atu ia te Ia.